

摘藻堂四庫全書薈要

集部

欽定四庫全書薈要

集部

御定全唐詩卷七十四至

七

臣紀昀詳校

詳校官候補通寄經歷臣郭祚熾



欽定四庫全書薈要卷一萬七千四百七十九

集部

御定全唐詩卷七十四

蘇頌

奉和晦日幸昆明池應制

歷事邊陲昆明始鑿池豫遊光後聖征戰罷前規
霽色清珍宇年芳入錦陂御杯蘭薦葉仙仗柳交枝
二石分河瀉雙珠代月移微臣比翔泳恩廣自無涯

奉和聖製幸禮部尚書寶希玠宅應制

尚書列侯第外戚近臣家飛棟臨青綺迴輿轉翠華日
交當戶樹泉漾滿池花圓頂圖嵩石方流擁魏沙豫遊
今聽履侍從昔鳴笳自有天文降無勞訪海槎

奉和幸韋嗣立山莊應制

擬金寒野霽步玉曉山幽帝幄期松子臣廬訪葛侯百
工徵往夢七聖扈來遊斗柄乘時轉台階捧日留樹重
巖籟合泉迸水光浮石徑喧朝履璜溪擁釣舟恩如犯
星夜歡擬濟河秋不學堯年隱空令傲許由

奉和聖製送張說上集賢學士賜宴得茲字

肅肅金殿裏招賢固在茲鏘鏘石渠內序拜亦同時宴

錫歡

一作勤

談道文成貴說詩用儒今作相敦學舊為師

下際天光近中來帝渥滋國朝良史載能事日論思

奉和聖製途經華嶽應制

朝望蓮華嶽神心就日來晴觀五千仞仙掌拓山開受
命金符叶過祥玉瑞陪霧披乘鹿見雲起馭龍迴偃樹
枝封雪殘碑石冒苔聖皇惟道契文字勒巖隈

奉和聖製經河上公廟應制

河流無日夜河上有神仙輦路曾經此壇場即宛然下
疑成洞穴高若在空中煙善物遺方外和光繞道邊事因
周史得言與

一作向

漢王傳喜屬膺期聖邦家業又玄

奉和聖製答張說出雀鼠谷

雨施巡方罷雲從訓俗迴密途汾水衛清蹕晉郊陪寒
著山邊盡

一作靜

春當日下來御祠玄鳥應仙仗綠楊開

作頌音傳雅觀文色動台更知西向樂宸藻協

一作貢

鹽

梅

奉和恩賜樂遊園宴應制

樂遊光地選醕飲慶天從座密千官盛場開百戲容綠

塍際山盡綫

一作翠

幕倚雲重下上花齊發周迴柳遍濃

奪睛紛劍履喧聽雜歌鐘日晚銜恩散堯人併可封

恩制尚書省察宴昆明池同用堯字

露渥灑雲霄天官次斗杓昆明四十里空水極晴朝雁
似銜紅葉鯨疑噴海潮翠山來徹底白日去迴標泳廣

漁杖溢浮深妓舫搖飽恩皆醉止合舞共歌堯

奉和聖製幸望春宮送方朔大總管張仁亶

北風吹早雁日夕渡河飛氣冷膠

一作葭

應折霜明草正

腓老臣帷幄筭元宰廟堂機餞飲迴仙蹕臨戎解御衣
軍裝乘曉發師律候春歸方佇勲庸盛天詞降紫微

奉和聖製登太行山中言志應制

北山東入海馳道上連天順動三光注登臨萬象懸
觀河內邑平指洛陽川按蹕夷關險張旗亘井泉曉巖

中警析春事卜菟田德重周王問歌輕漢

一作魏

后傳宸

遊鋪令典睿思起芳年願以封書奏迴鑾禪肅然

奉和聖製漕橋東送新除岳牧

寶賢不遺俊臺閣盡鵷鸞未若調

一作安

人切其如簡帝

難上才膺出典中旨念分官特以專城貴深惟列郡安
政行思務本風靡屬勝殘有令田知急無分獄在寬至
言題睿札殊渥灑仙翰詔餞三台降朝榮萬國歡舉杯
臨水發張樂擁橋觀式佇東封會鏘鏘檢玉壇

奉和聖製途次舊居應制

潞國臨淄邸天王別駕輿出潛離隱際小往大來初東
陸行春典南陽即舊居約川星罕駐扶道日旂舒雲覆
連行在風迴助掃除木行城邑望皋落土田疏昔試邦
興后今過俗僊予示威寧校獵崇讓不陳魚府吏趨宸
扆鄉者捧帝車帳傾三飲處間整六飛餘盛業銘汾鼎
昌期應洛書願陪歌賦末留比蜀相如

奉和聖製至長春宮登樓望稼穡之作

帝迹奚其遠皇符之所崇敬時堯務作盡力禹稱功赫
赫惟元后經營自左馮變蕪杭稻實流惡水泉通國阜
猶前豹人疲詎昔熊黃圖巡沃野清吹入離宮是閱京
坻富仍觀都邑雄憑軒一何綺積溜寫晴空禮節家安
外和平俗在中見龍垂渭北辭雁指河東睿思方居鎬
宸遊若飲豐寧誇子雲從祗為獵扶風

利州北佛龕前重于去歲題處作

重巖載看

一作戴清

美分塔起層標蜀守經塗處巴人作禮

朝地疑三界出空是六塵銷臥石鋪蒼蘚行膝覆綠條
歲年書有記非為學題橋

閒園即事寄韋侍郎

一作御

結廬東城下直望江南山青靄遠相接白雲來復還拂

筵紅蘚上開幔綠條間物應春偏好情忘趣轉閒憲臣

饒美度

一作政

聯事惜徂顏有酒空盈酌高車不可攀

扈從溫泉同紫微黃門羣公汎渭川得齊字

虹旗映綠萸春仗漢豐西侍蹕浮清渭揚舲降紫泥近

臨鈞石地遙指鈞璜溪岸轉帆飛疾川平棹舉齊傅舟
來是用軒馭往應迷興闕一作發菱歌動沙洲亂夕鷺

餞趙尚書攝御史大夫赴朔方軍

勁虜欲南窺一作飛

揚兵護朔陞趙堯寧易印鄧禹即分

麾野餞迴三傑軍謀用一作出

六奇雲邊愁

一作看

出塞日

下愴臨歧拔劍行人舞揮戈戰馬馳明年麟閣上充國

畫一作拜於斯

曉發興州入陳平路

旌節指巴岷年年行且巡暮來青嶂宿朝去綠江春魚
貫梁緣馬猿奔樹息人邑祠猶是漢溪道即名陳舊史
饒遷謫恒情厭苦辛寧知報恩者天子一忠臣

同饒陽將軍兼源州都督御史中丞

右地接龜沙中朝任虎牙然明方改俗去病不為家將
禮登壇盛軍容出塞華朔風搖漢鼓邊馬思胡笳旗合
無邀正一作整冠危有觸邪當看勞一作榮還日及此御溝
花

扈從鳳泉和崔黃門喜恩旨解嚴罷園之作

輦路岐山曲儲胥渭水渚教成提將鼓禮備植虞旗不
取從畋樂先流去殺慈舜韶同舞日湯祝盡飛時物應
陽和施人知雨露私何如穆天子七萃幾勞師

秋夜寓直中書呈黃門舅

簾櫳上夜鉤清切聽更籌忽共雞枝老還如騎省秋循
庭喜三入對渚憶雙遊紫紱名初拜黃縑迹尚留月舒
當北幌雲賦直東樓恩渥迷天施童蒙慰我求遲君台

鼎節聞義一承流

先是新昌小園期京兆尹一訪兼郎官數子自
頃沈痾年復一年茲願不果率然成章

獨好中林隱先期上月春閒花傍戶落喧鳥逼簷馴寂
寞東坡叟傳呼北里人在山琴易調開甕酒歸醇佇望
應三接彌留忽幾旬不疑丹火變空負綠條新鬪蟻聞
常日歌龍值此辰其如衆君子嘉會阻清塵

奉和馬常侍寺中之作

英華作奉和魏僕射
春日還鄉有懷之作

怨暑時云謝愆陽澤暫偏鼎陳從祀日鑰動問刑年絳
服龍雱寢玄冠馬使旋作霖期傳說為旱聽周宣河嶽
陰符啟星辰暗檄傳浮涼吹景氣飛動灑空烟颯颯將
秋近沈沈與暝連分湍湮水石合穎雍州田德施超三
五文雄賦十千及斯一作私何以樂明主敬人天

慈恩寺二月半寓言

二月韶春半三空霽景初獻來應有受滅盡竟無餘化
迹傳官寺歸誠謁梵居殿堂花覆席觀閣柳垂疏共命

杖間鳥長生水上魚問津窺彼岸

一作
注鏡

迷路得真車行

密幽關靜談精俗態祛稻麻欣所遇蓬蘽愴焉如不駐
秦京陌還題蜀郡輿愛離方自此迴望獨躊躇

餞澤州盧使君赴任

聞道降綸書為邦建綵旗政憑循吏往才以貴鄉除詞
賦良無敵聲華藹有餘榮承四岳後請絕五天初關路
通秦壁城池接晉墟撰期行子賦分典列侯居別望喧
追餞離言繫慘舒平蕪寒蜚亂喬木夜蟬疎寥泚秋先

起推移月向諸舊交何以贈客至待烹魚

陳倉別隴州司戶李維深

京國自攜手同途欣解頤情言正的的春物宛遲遲忽

背雕戎

一作戎

役旋瞻獲寶祠蜀城余出守吳岳爾歸思

歡愜更傷此眷殷殊念茲揚麾北林徑跂石南澗渚中
作壺觴餞回添道路悲數花臨磴日百草覆田時有美
同人意無為行子辭酣歌拔劍起毋是答恩私

奉和崔尚書贈大理陸卿鴻臚劉卿見示之作

戲藻嘉魚樂棲梧見鳳飛類從皆有召聲應乃無違美
價逢時出奇才選衆稀避堂貽後政掃第

一作地

發前幾

出曳仙人履還熏侍女衣省中何赫奕庭際滿芳菲吏
部端清鑒丞郎肅紫機會心歌詠是迴迹宴言非北寺
鄰玄闕南城寫翠微參差交隱見髣髴接光輝賓序嘗
柔德刑孚已霽威巨源林下契不速自同歸

敬和崔尚書大明朝堂雨後望終南山見示之

作

奕奕輕車至清晨朝未央未央在霄極中路視咸陽委
曲漢京近周迴秦塞長日華動涇渭天翠合岐梁五丈
旌旗色百層粉檠光東連歸馬地南指鬪雞場晴壑照
金圮秋雲含壁璫由余窺霸國蕭相奉興王功役隱不
見頌聲存復揚權宜珍構絕聖作一作寶圖昌在德期
巢燧居安法禹湯冢卿才順美多士賦成章價重三臺
一作俊名超百郡良焉知掖垣下陳力自迷方

夜聞故梓州韋使君明當引紼感而成章

惻矣南鄰問冥然東岱幽里閑寧相杵朝歎忽遷舟君
心惟伯仲吾人復款遊對連時亦早交喜歲纔周序發
扶陽贈文因司寇酬詎期危露盡相續逝川流卧疾無
三弔居閒有百憂振風吟一作吹鼓夕明月照帷秋薜駁
題詩館楊疎奏伎樓共將歌笑歎轉為弟兄留感物存
如夢觀生去若浮余非忘情者雪涕報林丘

御箭連中雙兔

宸遊經上苑羽獵向閒田狡兔初迷窟纖驪詎著鞭三

驅仍百步一發遂雙連影射含霜草魂消向月弦歡聲
動寒木喜氣滿晴天那似陳王意空隨樂府篇

奉和聖製過潼津關

在德何夷險觀風復往還自能同善閉中路可無關

山鷓鴣詞二首

玉關征戍久空閨人獨愁寒露濕青苔別來蓬鬢秋
人坐青樓晚鶯語百花時愁多人易老斷腸君不知

汾上驚秋

北風吹白雲萬里渡河汾心緒逢搖落秋聲不可聞

山驛閒臥即事

息燕歸簷靜飛花落院閒不愁愁自著誰道憶鄉關

將赴益州題小園壁

歲窮惟益老春至却辭家可惜東園樹無人也作花

詠禮部尚書廳後鵲

時將重
入蜀

懷印喜將歸窺巢戀且依自知棲不定還欲向南飛

詠死兔

紀事云瓌初未知頤有客詣瓌候於客
次頤擁簪庭廡間客異其詠崑崙奴詩

請加禮收舉瓌稍親之有人獻兔懸於
廊廡瓌召令詠之云云瓌覽詩異之

兔子死蘭彈持來挂竹竿試將明鏡照何異月中看

夜宴安樂公主新宅

車如流水馬如龍仙史高臺十二重天上初移衡漢匹

可憐歌舞夜相從

一作逢

侍宴桃花園詠桃花應制

桃花灼灼有光輝無數成蹊點更飛為見芳林含笑待
遂同溫樹不言歸

奉和聖製幸韋嗣立莊應制

樹色參差隱翠微，泉流百尺向空飛。
傳聞此處投竿住，遂使茲辰扈蹕歸。

重送舒公

散騎金貂服綵衣，松花水上逐春歸。
懸知邑里遙相望，

事主榮親

一作樂事生榮

代所稀

句

飛埃結紅霧，遊蓋飄青雲。

紀事云：長安盛遊春頤，製詩云：云明皇嘉賞以御花親插。

其巾

指如十挺墨耳似兩張匙

詠崑崙奴

丑雖有足甲不

全身見君無口知伊少人

顯幼年有京兆尹過父瓌命詠尹字云云

御定全唐詩卷七十四

欽定四庫全書薈要卷一萬七千四百八十

集部

御定全唐詩卷七十五

姜晞

姜晞上邳人登永隆元年進士第官工部侍郎散騎常侍封金城郡公詩一首

龍池篇

靈沼縈迴邸第前浴日涵春

一作天

寫曙天始見龍臺昇

鳳闕應如霄漢起神泉石匱渚傍還啟聖桃李初生更

有仙欲化帝圖從此受正同河變一千年

姜皎

姜皎晞從兄弟長安中為尚衣奉御明皇以藩邸有舊
拜殿中監封楚國公恩寵莫比遷太常卿後坐貶死詩
一首

龍池篇

龍池初出此龍山常經此地謁龍顏日日芙蓉生夏水
年年楊柳變春灣堯壇寶匣餘煙霧舜海漁舟尚往還

願似飄飄五雲影從來從去九天關

一作間

蔡孚

蔡孚開元中為起居郎詩二首

奉和聖製龍池篇

帝宅王家大道邊神馬潛龍

一作神龜

湧聖泉昔日昔時經

此地看來看去漸成川歌臺舞榭宜正月柳岸梅洲勝

往年莫疑

一作言

波上春雲少祇為從龍直上天

打毬篇

并序

臣謹按打毬者往之蹴鞠古戲也黃帝所作兵勢
以練武士知有材也竊美其事謹奏打毬篇一章
凡七言九韻

德陽宮北苑東頭雲作高臺月作樓金鉤玉鑿

一作鑿

千

金地寶杖琬文七寶毬寶融一家三尚主梁冀頻封萬
戶侯容色由來荷恩顧意氣平生事俠游共道用兵如
斷蔗俱能走馬入長楸紅鬣錦鬃風驟驥黃絡青絲電
紫騮奔星亂下花場裏初月飛來畫杖頭自有長鳴須

決勝能馳迅走

一作足

滿先籌薄暮漢宮愉樂罷還歸堯

室曉垂旒

徐晶

徐晶與胡皓蔡孚同時官魯郡錄事詩五首

阮公體

秦王按劍怒發卒戍龍沙雄圖尚未畢海內已紛拏黃
塵暗天起白日斂精華唯見長城外僵屍如亂麻

同蔡孚五亭詠

章奏中京

一作丹墀

罷雲泉別業歸拂琴鋪野席牽柳挂朝

衣翡翠巢書幌鴛鴦立釣磯幽栖可憐處春事滿林扉

蔡起居山亭

文史歸休日棲閒臥草亭薔薇一架紫石竹數重青垂
露和仙藥燒香誦道經莫將山水弄持與世人聽

送友人尉蜀中

故友漢中尉請為西蜀吟人家多種橘風土愛彈琴水

向昆明濶山連

一作通

大夏深理閒無別事時寄一登臨

贈溫駙馬汝陽王

疇昔承餘論文章幸溫推夜陪銀漢賞朝奉桂山詞梁
邱調歌日秦樓按舞時登高頻作賦體物屢為詩連騎
長楸下浮觴曲水潛北堂留上客南陌送佳期憶昨陪
臨泛于今阻宴私再看冬雪滿三見夏花滋都尉朝青
閣淮王侍紫墀寧知倦遊者華髮老京師

張敬忠

張敬忠官監察御史以文吏著稱張仁宣在朔方奏判

軍事開元中為平盧節度使詩二首

邊詞

五原春色舊來遲二月垂楊未挂絲
即今河畔冰開日正是長安花落時

戲詠

先天中王主敬為侍御史自以才望華妙當入省望前行忽除膳部員外微有悵惋

故敬忠

戲之

有意嫌兵部專心望考功
誰知腳蹤蹬幾落省牆東

膳部

在省最東

北隅也

史俊

史俊官監察御史曾刺巴州詩一首

題巴州光福寺楠木

近郭城南山寺深
亭亭奇樹出禪林
結根幽壑不知歲
聳幹摩天凡幾尋
翠色晚將嵐氣合
月光時有夜猿吟
經行綠葉望成蓋
宴坐黃花長滿襟
此木嘗聞生豫章
今朝獨秀在巴鄉
凌霜不冱讓松柏
作宇由來稱棟梁
會待良工時一眎

一作顧

應歸法水作慈航

御定全唐詩卷七十五

欽定四庫全書蒼要卷一萬七千四百八十一

集部

御定全唐詩卷七十六

徐彥伯

徐彥伯名洪以字行兗州瑕丘人七歲能為文對策高第調永壽尉蒲州司兵參軍時司戶韋彞善判司士李巨工書而彥伯屬辭稱河東三絕屢遷給事中預脩三教珠英由宗正卿出為齊州刺史移蒲州擢脩文館學士工部侍郎歷太子賓客卒彥伯文章典縟晚年好為

彊澁之體頗為後進所效集二十卷今編詩一卷

儀坤廟樂章

唐書樂志曰儀坤廟樂迎神用永和次金奏皇帝行用太和酌獻登

歌用肅和迎俎用雍和肅明皇后室酌獻用昭升昭成皇后室酌獻用坤貞飫福用壽和送文舞出迎武舞入用舒和武舞用安和撤俎用雍和送神用永和

永和

猗若清廟肅肅熒熒國薦嚴祀坤興淑靈有几在室有樂在庭臨茲孝享百祿惟寧

金奏

陰靈效祉軒曜降精祥符淑氣慶集柔明瑤俎既列雕
桐發聲徽猷永遠比德皇英

擬古三首

遙裔煙嶼鴻雙影旦夕同交翰倚沙月和鳴弄江風蒹
若茂芳序君子從遠戎雲生陰海沒花落春潭空紅淚
掩促柱錦衾羅薰籠自傷瓊草綠詎惜鉛粉紅裂帛附
雙燕為予向遼東

讀書三十載馳騫周六經儒衣千時主忠策獻闕廷一

朝奉休盼從容厠羣英束身趨建禮秉筆坐承明解署
相填噎僚吏紛縱橫五日休澣時屠蘇繞玉屏橘花覆
北沼桂樹交西榮樹棲兩鴛鴦含春向我鳴皎潔綺羅
豔便娟絲管清擾擾天地間出處各有情何必巖石下
枯槁閒此生

顏光無淹晷逝水有迅流綠苔紛易歇紅顏不再求歌

笑當及春無令壯志秋弱年仕闕輔籊門豁御溝一作門豁

王御溝敷愉東城際婉孌南陌頭荷花嬌綠水楊葉暖青

樓中有綺羅人可憐
名莫愁畫屏繞金膝
珠簾懸玉鉤
纖指調寶琴
泠泠哀且柔
贈君鴛鴦帶
因以鸛鷀裘
窗向一作曉吟日坐閨
夕秉燭遊無作
北門客咄咄懷百憂

贈劉舍人古意

女牀閔靈鳥文章世所希
巢君碧梧樹舞君青瑣闥
或言鳳池樂撫翼更西飛
鳳池環禁林仙閣靄沈沈
璇題激流日一作目珠綴絳清陰
郁穆絲言重熒煌台座深
深風

張丹朶翮月弄紫庭

一作素琴

音衆

一作雙

綵結不散孤英跂

莫尋浩歌在西省經傳恣潛心

一作浩歌在蘭渚婉孌故倚心

和李適荅宋十一入崖口五渡見贈

聞有獨往客拂衣捐世心結欣薄枉渚揆念縈舊林經

亘去崖合冥縣歸壑深琪樹環碧彩金潭生翠陰沿洄

弄沙榜詭

一作危

仄眺明岑夕聞桂裏猿曉玩松上禽雜

佩蘊孤袖瓊敷綴雙襟我懷滄洲想懿爾白雲吟秉願
理方協存期跡易尋茲言庶不負為報巖中琴

雪

雪暗窮海雲灑空紛似露朔風吹故里宛轉玉階樹孤
妾調玉瑟早寒生錦衿況君張羅幙愁坐北庭陰

比干墓

大位天下寶維賢國之鎮殷道微而在受辛纂頹脣山
鳴鬼又哭地裂川亦震嫫黷皆佞諛虔劉盡英雋孤卿
帝叔父特進貞而順玉牀逾皜潔銅柱方歆歔奉國歷
三朝觀竅明一瞬季代猖狂主蓄怒提白刃之子彌忠
讜憤然更勇進撫膺誓隕越知死故不怯已矣竟剖心

哲婦亦同殉驪龍暴雙骨太嶽摧孤仞周發次商郊寬
骸悲莫殪鋒劒勦遺孽報復一何迅駐罕歌淑靈命徒
封旅櫬自爾銜幽酷于嗟流景駿丘墳被宿莽壇圮緣
飛燐貞觀戒北征維皇念忠信荒墳護草木刻桷吹俚
燼代遠恩更崇身頽名益振帝詞書樂石國饌羅芳艸
偉哉烈士圖奇英千古徇

題東山子李適碑陰二首

并序

噫嘻李公生自號東山子死葬東山豈其識哉神

交者歌薤露以送子歸東山為詩鐫于碑陰云

隴嶂縈紫氣金光赫氛氲美人含遙靄桃李芳自薰
圖高黃鶴羽寶奪驪龍羣忽驚薤露曲掩噎東山雲

回也寔夭折賈生亦脆促今復哀若人危光迅風燭

一作

危迅風
前燭

夜臺淪清鏡窮塵埋

一作掩

結綠何以贈下泉生

芻唯一束

淮亭吟

貞寂慮兮淮山幽憐芳若兮擘中洲崩湍委咽日夜流

孤客危坐心自愁
矧鶴唳兮風曉復猿鳴兮霜秋
熠燿飛兮蟋蟀吟倚清瑟兮橫涼琴
擷瑤芳兮弔楚水弄琪樹兮歌越岑
山礧礧兮隈曲水涓漣兮洞汨金先延起
兮驟興沒青苔竟兮綠蘋歇綠蘋歇兮凋朱顏
美人寂歷兮何時閒君不見可憐桐栢上
丰茸桂樹花滿山

芳樹

玉花珍簾上金縷

一作鏤

畫屏開曉月憐箏柱春風憶鏡

臺箏柱春風吹曉月芳樹落花朝暝歇
薰砧刀頭未有

期一作時攀條拭淚坐相思

遊禁苑幸臨渭亭遇雪應制

玉律藏冰候彤階飛雪時日寒消不盡風定舞還遲瓊
樹留宸矚璇花入睿詞懸知穆天子黃竹謾言詩

奉和送金城公主適西蕃應制

鳳宸憐簫曲鸞閣念掌珍羗庭遙築館廟策重和親星
轉一作去銀河夕花移玉樹春聖心悽送遠留蹕望征塵

幸白鹿觀應制

鳳輿乘八景龜籙向三仙
日月移平地雲霞綴小天
金童擎紫藥玉女戲青蓮
花洞留宸賞還旗繞夕煙

胡無人行

十月繁霜下征人遠鑿空雲搖錦車節
海照角端弓暗磧一作雪埋沙樹衝颼卷塞蓬
方隨膜拜入歌舞玉門中

使仔

君恩忽斷絕妾思終未央
巾櫛不可見枕席空餘香
窗暗網羅白塔秋苔蘚
黃應門寂已閉流涕向昭陽

採蓮曲

妾家越水邊，搖艇入江煙。
既覓同心侶，復采同心蓮。
折藕絲能脆，開花葉正圓。
春歌弄明月，歸櫂落花前。

孤燭歎

一作
閨怨

切切夜閨冷，微微孤燭然。
玉盤紅淚滴，金燼彩光圓。
煖手縫輕素，嚔蛾續斷弦。
相思咽不語，回向錦屏眠。

閨怨

征客戍金微，愁閨獨掩扉。
塵埃生半榻，花絮落殘機。
褪

暖蠶初臥巢昏燕欲歸
春風日向盡銜涕作征衣

餞唐州高使君赴任

香萼媚紅滋垂條紫綠絲
情人拂瑤袂共惜此芳時
驕驕已躑躅鳥隼方葳蕤
跂予望太守流潤及京師

奉和幸新豐溫泉宮應制

姬典歌時邁虞編記省方
何如黑帝月玄覽一作運白雲

鄉翠仗縈船岸明旂一作旂應蒨音負陽風搖花眊彩雪豔

寶戈芒御陌開函一作油次離宮夾樹行
桂枝籠腰褭松

葉覆

一作
蔭

堂皇仙石

一作
女

含珠液溫池孕璧房湧疑神

漢溢澄

一作
泛

若帝臺漿獨沸流常熱潛蒸氣轉香青壇

一作
抵

環玉甃紅礎

一作
淀

鏤金光藻曜凝芳潔歲粦獻淑

祥五龍歸寶算九鳥叶時康同預華封老中衢祝聖皇

同韋舍人元旦早朝

夕轉清壺漏晨驚長樂鐘逶迤綸禁客假寐守銅龍予
亦趨三殿肩隨謁九重繁珂接曙響華劍比春容相問
韶光歇彌憐芳意濃願言乘日旰攜手即雲峰

侍宴韋嗣立山莊應制

鼎臣休澣隙方外結遙

一作遇

心別業青霞境孤潭碧樹

林每馳東墅策遙弄北溪琴帝眷紆

一作幸行

時豫台園賞

歲陰移鑾明月沼張組

一作樂

白雲岑御酒瑤觴落仙壇

竹徑深三光

一作章

懸聖藻五等冠朝簪自昔皇恩感

一作

自愧承恩盛

咸言獨自

一作在

今

送特進李嶠入都祔廟

特進三公下台臣百揆先孝圖開寢石祠主卜牲筵恩

級青綸賜徂裝紫索懸綢繆金鼎席宴餞玉潢川北斗
分征路東山起贈篇樂池歌綠藻梁苑藉紅荃騎轉商
巖日旌搖關塞煙廟堂須鯁議錦節佇來旋

春閨

戊客戊清波幽閨幽事多暗梁聞語燕夜燭見飛蛾寶

鴨

一作匣

藏脂粉金屏綴綺羅裁衣卷紋素織錦度鳴梭

有使通西極緘書寄北河年光只恐盡征戰莫蹉跎

奉和興慶池戲競渡應制

夾道傳呼翊翠虬天回日

一作地

轉御芳洲青潭曉靄籠

仙蹕紅嶼晴花隔綵旒香溢金杯環廣坐聲傳

一作搖

妓

舸匝中流羣臣相慶嘉魚樂共晒橫汾歌吹秋

苑中遇雪應制

千鍾聖酒御筵披六出祥英亂繞枝
即此神仙對瓊圃
何煩轍迹向瑤池

上巳日被袂渭濱應制

晴風麗日滿芳洲柳色

一作御幕

春筵被錦流皆言侍蹕

一作

曲
侍橫汾一作宴暫似乘槎一作天漢遊

夜宴安樂公主新宅應制

鳳樓開闔引明光花酌一作連添醉益香欲知帝女薰

天貴金柯一作玉柱夜成行

餞唐永昌

金溪碧水玉潭沙鳬舄翩翩弄日華鬪雞香陌行春倦
為摘東園桃李花

侍宴桃花園

源水叢花無數開
丹跗紅萼間青梅
從今結子三千歲
預喜仙遊復摘來

石淙

碧淀紅沔嶠嶂間
淙嵌湫岨洄成灣
琪樹璇娟花未落
銀芝窈窕露初還
八風行殿開仙榜
七景飛輿下石關
張薦席雲平圃
讌焜煌金記蘊名山

御定全唐詩卷七十六

欽定四庫全書薈要卷一萬七千四百八十二

集部

御定全唐詩卷七十七

駱賓王

駱賓王義烏人七歲能屬文尤妙於五言詩嘗作帝京篇當時以為絕唱初為道王府屬歷武功主簿又調長安主簿武后時左遷臨海丞怏怏失志棄官去徐敬業舉義署為府屬為敬業草檄斥武后罪狀后讀之矍然歎曰宰相安得失此人敬業事敗賓王亡命不知所終

中宗時詔求其文得數百篇集成十卷今編詩為三卷

夏日遊德州贈高四

并序

夫在心為志發言為詩詩有不得盡言言有不得
盡意僕少負不羈長逾虛誕讀書頗存涉獵學劍
不待窮工進不能矯翰龍雲退不能棲神豹霧撫
循諸已深覺勞生而太夫人在堂義須捧檄因仰
長安而就日赴帝鄉以望雲雖文闕三冬而書勞
十上嗟乎入門自媚誰相謂言致使君門隔於九

重中堂遠於千里既而交非得免路是亡羊敬止
弊廬竭來初服遂得載披玉葉款洽金蘭傾意氣
於一言締風期於千祀雖交因氣合資得意以敦
交道契言忘少寄言而筌道是以輕投木李以代
踈麻章句繁蕪心神媿慙庶瞻雅韻竚辱報章則
紫耀連星開龍文於劍匣素輝虧月領驪頰於珠
胎云爾

日觀鄰全趙星臨俯舊吳高津開巨浸稽阜鎮名都紫

雲浮劍匣青山孕寶符封疆恢霸道問鼎競雄圖神光
包四大皇威震八區風煙通地軸星象正天樞天樞限
南北地軸殊鄉國關門通舜賓比屋封堯德言謝垂鈎
隱來叅負鼎職天子不見知羣公詎相識未展從東駿
空戢圖南翼時命欲何言撫膺長嘆息嘆息將如何遊
人意氣多白雪梁山曲寒風易水歌泣魏傷吳起思趙
切廉頗淒斷韓王劍生死翟公羅羅悲翟公意劍負韓
王氣驕餌去易論忌途良可畏夙昔懷江海平生混涇

渭千載契風雲一言忘賤貴去去訪林泉空谷有遺賢
言投爵里刺來泛野人船締交君贈縞投分我忘筌成
風郢匠斲流水伯牙弦牙弦忘道術漳濱恣閒逸聊安
張蔚廬詎掃陳蕃室虛室狎招尋敬愛混浮沈一諾黃
金信三復白珪心霜松貞雅節月桂朗冲襟靈臺萬頃
濬學府九流深談玄明毀壁拾紫陋籛金鷺濤開碧海
鳳彩綴詞林林虛星華映水澈霞光淨霞水兩分紅川
源四望通霧卷天山靜煙銷太史空鳥聲流向一作薄

蝶影亂芳叢柳陰低榭

一作
塹

水荷氣上薰風風月芳菲

節物華紛可悅將歡促席賞遽爾又歸別積水帶吳門

通波連禹穴贈言雖欲盡機心庶應絕潘岳本自閒梁

鴻不因熱一瓢欣狎道

一作
通

三月聊棲拙棲拙隱金華

狎道訪仙查放曠愚公谷消散野人家一頃南山豆五

色東陵瓜野衣裁薜葉山酒酌藤花白雲離望遠青谿

隱路賒儻憶幽巖桂猶冀折疎麻

在江南贈宋五之問

井絡雙源濬潯陽九派長淪

一作輪

波通地穴輸委下歸

塘別島籠朝蜃連洲擁夕漲

一作陽

韞珠澄

一作成

積潤讓

辟動浮光浮光凝折水積潤疎圓吐玉輪涵地開劍閣

一作又作

連星起風煙標迴秀英靈信多美懷德踐遺芳

端操慙謀已謀已謬觀光牽迹強悽惶揆拙迷三省勞

生昧

一作暗

兩忘彈隨

一作冠

空被笑獻楚自多傷一朝殊

默語千里易

一作異

炎涼炎涼幾遷賀川

一作水

陸疲臻湊

積水架吳濤連山橫楚岫風月雖殊昔星河猶是舊姑

蘇望南浦邯鄲通北走北走平生親南浦別離津瀟湘

一超忽洞庭多苦辛秋江無綠芷寒汀有白蘋采之

一作一

采采將何遺故人漳水濱漳濱已遼遠江潭未旋返為聽

短歌行當想

一作憶

長洲苑露金熏菊岸風佩搖蘭坂蟬

鳴稻葉秋雁起蘆花晚晚秋

一作秋天

雲日明亭臯風霧

一作

露

清獨負平生氣重

一作空

牽搖落情占星非聚德夢月

詎懸名寂寥傷楚奏淒斷泣秦聲秦聲懷舊里楚奏悲

無已郢路少知音叢臺富奇士溫輝凌愛日壯氣驚寒

水一顧重風雲三冬足文史文史盛紛綸京洛多風塵

猶輕

一作由來

五車富未重一囊貧李仙非

一作悲

易託蘇鬼

尚

一作曲

難因不惜勞歌盡誰為聽陽春

晚憇田家

轉蓬勞遠役披薜下田家山形類九折水勢急三巴懸
梁接斷岸澀路擁崩查霧巖淪曉魄風淑漲寒沙心迹

一朝舛關山萬里賒龍章徒表越閩俗本殊華旅行悲

一作勞

泛梗離贈折疎麻唯有寒潭菊獨似故園花

出石門

層巖遠接天絕嶺上棲烟松低輕蓋偃藤細弱絲

一作鉤

懸石明如挂鏡苔分似列錢暫策為龍杖何處得神仙

至分陝

陝西開勝壤召南分沃疇列樹巢維鵲平渚下睢鳩
崇疑勿剪曳葛似攀縲至今王化美非獨在隆周

寓居洛濱對雪憶謝二

一作洛濱對雪
憶謝二兄弟

旅思眇難裁衝飈恨易哀曠望洛川晚飄飄瑞雪來積

彩明書幌流韻繞

一作響

琴臺色奪迎仙羽花避犯霜梅

謝庭賞方逸袁扉掩未開高人儻有訪興盡詎須回

北眺春陵

攬轡疲宵邁驅馬倦晨興既出封泥谷還過避雨陵山
行明照上谿宿密雲蒸登高徒欲賦詞殫獨撫膺

夏日遊目聊作

暫屏囂塵累言尋物外情致逸心逾默神幽體自輕
浦夏荷香滿田秋麥氣清詎假滄浪上將濯楚臣纓

同崔駙馬曉初登樓思京

麗譙通四望繁憂起萬端
綺疏低晚魄鏤檻肅初寒
白雲鄉思遠黃圖歸路難
唯餘西向笑暫似當長安

月夜有懷簡諸同寮

閒庭落景盡疎簾夜月通
山靈響似應水淨望如空
棲枝猶繞鵲遵渚未來鴻
可歎高樓婦悲思杳難終

叙寄員半千

薄宦三河道自負十餘年
不應驚若厲祇為直如弦
坐

歷山川險吁嗟陵谷遷長吟空抱膝短翮詎冲天魂歸
滄海上望斷白雲前釣名勞拾紫隱迹自談玄不學多
能聖徒思鴻寶仙斯志良難已此道豈徒然嗟為刀筆
吏恥從繩墨牽岐路情雖狎人倫地本偏長揖謝時事
獨往訪林泉寄言二三子生死不來旋

詠懷古意上裴侍郎

三十二餘罷鬢是潘安仁四十九仍入年非朱買臣縱
橫愁繫越坎壈倦遊秦出籠窮短翮委轍涸枯鱗窮經

一作磨鉛

不需用彈鋏欲誰申天子未驅策歲月幾沈淪輕

生長慷慨效死獨殷勤徒歌易水客空老渭川人一得
視邊塞萬里何苦辛劍匣胡霜影弓開漢月輪金刀動
秋色鐵騎想風塵為國堅誠款捐軀忘賤貧勒功思比
憲決略暗欺陳若不犯霜雪虛擲玉京春

春夜韋明府宅宴得春字

酌桂陶芳夜披薜嘯幽人雅琴馴魯

一作野

雉清歌落范

一作梁

塵宿雲低迴蓋殘月上虛輪幸此承恩洽聊當故

鄉春

過張平子墓

西鄂該通理南陽擅德音
玉卮浮藻麗銅渾積思深
忽懷今日昔非復昔時今
日落豐碑暗風來古木吟
惟歎窮泉下終鬱羨魚心

從軍中行路難二首

一作行軍軍中行路
難一作軍中行路難

君不見封狐雄虺自成羣
馮深負固結妖氛
玉璽分兵徵惡少
金壇受律勸一作將軍
將軍將軍擁旄宣廟略
戰士

橫行

一作戈

靜夷落長驅一息背銅梁直指三巴登劍閣

閣道岩堯起戍樓劍門遙裔俯靈丘叩關九折無平路

江水雙源有急流征役無期返他鄉歲華晚杳杳丘陵

出蒼蒼林薄遠途危紫蓋峰路澀青泥坂去去指哀牢

行行入不毛絕壁千里

一作重

險連山四望高中外分區

宇夷夏殊風土交趾枕南荒昆彌臨北戶川原繞

一作饒

毒霧溪谷多淫雨行潦四時流崩查千歲古漂梗飛蓬

不自安捫藤引葛度危巒昔時聞道從軍樂今日方知

行路難滄江綠水東流駛炎洲丹徼南中地南中南斗
映星河秦川秦塞阻煙波三春邊地風光少五月瀘中
瘴癘多朝驅疲斥候夕息倦樵歌向月彎繁弱連星轉
太阿重義輕生懷一顧東伐西征凡幾度夜夜朝朝斑
鬢新年年歲歲戎衣故灞城隅滇池水天涯望轉積地
際行無已徒覺炎涼節物非不知關山千萬里棄置勿
重陳征行多苦辛且悅清笳楊柳曲詎憶芳園桃李人
絳節朱旗分白羽丹心白刃酬明主但令一被君王知

誰憚三邊征戰苦行路難

一本下有行路難岐路字

幾千端無復歸

雲憑短翰空餘望日想長安

一本無空餘二字此篇一本作辛常伯詩

君不見玉關塵色暗邊庭銅鞮雜虜寇長城天子按劍

徵餘勇將軍受脤事橫行七德龍韜開玉帳千里鼉鼓

疊

一作千重龜壘動

金鉦陰山苦霧埋高壘交河孤月照連營

連營去去無窮極擁旆遙遙過絕國陣雲朝結晦天山

寒沙夕漲迷疎勒龍鱗水上開魚貫馬首山前振雕翼

長驅萬里讐祁連分麾三命武功宣百發烏號遙碎柳

七尺龍文迴照蓮春來秋去移灰琯蘭閨柳市芳塵斷
雁門迢遞尺書稀鴛被相思雙帶緩行路難行路難誓
令氛祲靜皋蘭但使封侯龍額貴詎一作頗隨中婦鳳樓

寒

同辛常伯作

帝京篇

山河千里國城闕九重門不覩皇居壯安知天子尊皇
居帝里嶠函谷鶡野龍山候甸服五緯連影集星躔八
水分流橫地軸秦塞重關一百二漢家離宮三十六桂

殿嶽

一作陰

岑

一作峯

對玉樓椒房窈窕連金屋三條九陌

麗

一作鳳

城隈萬戶千門平旦開復道斜通鳩鵲觀交衢

直指鳳皇臺劍履南宮入簪纓北闕來聲名冠寰宇文

物象昭回鉤陳肅蘭祀璧沼浮槐市銅羽

一作雀

應風回

金莖承露起校文天祿閣習戰昆明水朱邱抗

一作接

平

臺黃扉通戚里平臺戚里帶崇墉炊

一作灼

金饌玉待鳴

鐘小堂綺帳三千戶大道青樓十二重寶蓋雕鞍金絡

馬蘭窗繡柱玉盤龍繡

一作綺

柱璇題粉

一作彩

壁映鏘金

鳴玉王侯盛王侯貴人多近臣朝遊北里暮南鄰陸賈

分金將讌喜陳遵投轄正

一作尚

留賓趙李經過密蕭朱

交結親丹鳳朱城白日暮青牛

一作中

紺憶紅塵度俠客

珠彈垂楊道倡婦銀鉤采桑路倡家桃李自芳

一作芬

菲

京華遊俠盛

一作事

輕肥延年女弟雙鳳

一作飛

入羅敷使

君千騎歸同心結縷帶連理織成衣春朝桂尊尊百味

秋夜蘭燈燈九微翠幌珠簾不獨映清歌寶瑟自相依

且論三萬六千

一作八千金

是寧知四十九年非古來榮

一作

名利若浮雲人生倚伏信難分始見田實相移奪

一作傾代

俄聞衛霍有功勲未厭金陵氣先開石槨文朱門無復

張公子灞亭誰畏李將軍相顧百齡皆有待居然萬化

咸應改桂枝芳氣已銷亡柏梁高宴今何在春去春來

苦自馳爭名爭利徒爾為久留郎署終難遇空掃相門

誰見知

紀事無春去四句

當時

一作莫矜

一旦擅豪華自言千載長

驕奢倏忽搏風生羽翼須臾失浪委泥沙黃雀

一作鶴

徒

巢桂

一作柱

青門遂種瓜黃金銷鑠素絲變一貴一賤交

情見紅顏宿昔白頭新
脫粟布衣輕故人
故人有湮淪
新知無意氣
灰死韓安國
羅傷翟廷尉
已矣哉
歸去來
馬卿辭蜀多文藻
揚雄仕漢乏良媒
三冬自矜誠足用
十年不調幾遭回
汲黯薪逾積
孫宏閣未開
誰惜長沙

傳

一作賦

獨負洛陽才

疇昔篇

少年重英俠
弱歲賤衣冠
既託寰中賞
方承膝下歡
遨

遊灞水

一作陵

曲風月洛城端
且知無玉饌
誰肯逐金丸

金丸玉饌盛繁華自言輕侮季倫家五霸爭馳千里馬

三條競驚七香車掩映飛軒乘落一作夜照參差步障引

一作列朝霞池中舊水如懸鏡一作涵屋裏新妝不讓花

意氣風雲倏如昨歲月春秋一作歲屢回薄上苑頻經

柳絮飛中園幾見一作番梅花落當時門客今何在疇昔

交朋一作遊已疎索莫一作不教憔悴損容儀會得一作在高

秋雲霧廓淹留坐帝鄉無事積一作度炎涼一朝披短褐

六載奉長廊一作賦賦文慙昔馬執戟歎一作慕前揚揮

戈出武帳荷筆入文昌文昌隱隱皇城裏由來奕奕多

才子潘陸詞鋒駱

一作絡

驛飛張曹翰

一作曹張文

苑縱橫起

卿相未曾識王侯寧見擬垂釣甘成白首翁

一作徒勞倦

負

薪何處逢知己判

一作誰

將運命賦窮通從來奇

一作命

舛

任西東不應

一作豈教

永棄同芻狗且復飄飄類轉蓬容

一作

客鬢年年異春華歲歲同榮親未盡禮徇主欲申功脂

車秣馬辭鄉

一作京

國縈

一作策

轡西南使邛犍玉壘銅梁

不易攀地角天涯眇難測鶯轉蟬吟

一作鳴

有悲望鴻來

雁度無音息陽關積霧萬里昏劍閣連山千種色蜀路

何悠悠岷峯阻且修回腸隨九折迸淚連

一作下

雙流寒

光

一作雲

千里暮露氣二江秋長途看束

一作策

馬平水且

沈牛華陽舊地標神制石鏡蛾眉真

一作偏

秀麗諸葛才

雄已號龍公孫躍馬輕稱帝五丁卓犖多奇力四士英

靈富

一作用

文藝雲氣橫開八陣形橋影遙分七星勢川

平煙霧開遊戲錦城隈墉

一作墉

高龜望出

一作步

水淨雁

文回尋妹入酒肆訪客上琴臺不識金貂重偏惜玉山

顏他鄉冉冉消年月帝里沈沈限

一作悠
悠恨

城闕不見猿

聲助客啼唯聞旅思將花發我家迢遞關山裏關山迢

遞不可越故園梅柳尚餘春

一作有餘

來時

一作春來

勿使芳菲

歇解鞅

一作秋

欲言歸執袂愴多違北梁俱握手南浦共

沾衣別情傷去蓋離念惜徂

一作光

輝知音何所托木落

雁南飛回來望

一作卧

平陸春來酒應熟相將茵閣卧

一作作

望青溪

一作沂

且用藤杯泛黃菊十年不調

一作達

為貧賤

百日屢遷隨倚伏祇為須求負郭田使我再干州縣

一作作

郡祿百年鬱鬱少騰遷萬里遙遙

一作迢迢

入鏡川涘

一作吳

江拂潮衝白日

一作浪

淮海長波接遠天叢竹凝朝露孤

山起暝煙賴有邊城月常伴

一作來傍

客旌懸東南美箭稱

吳會名都隱軫三江外塗山執玉應昌期

一作朝

曲水開

襟重文會仙鏑流音鳴鶴嶺寶劍分輝落蛟瀨未看白

馬對蘆芻且覺浮雲似車蓋江南節序多文酒屢經過

共

一作莫

踏春江曲俱

一作但

唱采菱歌舟移疑入鏡棹舉

若乘波風光無限極

一作數

歸櫂礙池荷眺聽烟霞正流

眄即從王事歸艫轉芝田花月

一作發

屢裴回金谷佳期

重遊衍登高北望

一作南適

嗤梁叟憑軾西征想潘掾峯開

華岳聳疑蓮水激龍門急如箭人事謝光陰俄遭霜露

侵偷存七尺影分沒九泉深窮途行泣玉憤路未藏金

茹荼空

一作徒

有歎懷橘獨傷心年來歲去成銷鑠懷抱

心期漸寥落挂冠裂冕已辭榮南畝東臯事耕鑿賓階

客院常疏散蓬徑柴扉終寂寞自有林泉堪隱棲何必

山中事丘壑我住青門外家臨素滙濱遙瞻丹鳳闕斜

望黑龍津荒衢通獵騎窮巷抵樵輪時有桃源客來訪

竹林人昨夜琴聲奏悲調旭旦含顰不成一作言笑果乘

驄馬發囂書復道郎官稟綸誥一作詔冶長非罪曾縲絏

長孺然灰也經溺高一作于門有閔不圖封峻筆無聞歛

敷妙適離京兆謗還從御史一作府彈炎威資一作分夏景

平曲况秋翰畫地終難入書空自不安吹毛未一作猶可

待搖尾且求食丈夫坎壈多愁疾契濶述遭盡今日慎

罰寧憑兩造辭嚴科直挂三章律鄒衍銜悲繫燕獄李

斯抱怨拘秦桎

格一作

不應白髮頓成絲直為黃沙暗如

漆紫禁終難叫朱門不易

一作可

排驚魂聞葉落危魄逐

輪埋霜威遙有厲雪枉遂

一作更

無階含冤欲誰道飲氣

獨居懷忽聞驛使發關東傳道天波萬里通洄鱗去轍

還遊

一作先遊

海幽禽釋網便

一作更

翔空舜澤堯曦方有極

讒言巧佞儻無窮誰能跼迹

一作跡

依三輔會就商山訪

四翁

豔情代郭氏荅盧照鄰

迢迢芊

一作芊

路望芝田眇眇函關恨

一作限

蜀川歸雲已

落涪江外還雁應過洛水瀝洛水傍連帝城側帝宅層

薨垂鳳翼銅駝路上柳千條金谷園中花幾色柳葉園

花處處新洛陽桃李應芳春妾向雙流窺石鏡君住三

川守玉人此時離別那堪道此日空牀對芳沼芳沼徒

遊比目魚幽徑還生拔心艸流風回雪儻便娟驥子魚

文實可憐擲果河陽君有分貨

一作賣

酒成都妾亦然莫

言貧賤無人重莫言富貴應須種綠珠猶得石崇憐飛

燕曾經漢皇寵良人何處醉縱橫直如循默守空名倒
提新縑成慙慙翻將故劍作平平離前吉夢成蘭兆別
後啼痕上竹生別日分明相約束已取宜家成誠勗當
時擬弄掌中珠豈謂先摧庭際玉悲鳴五里無人問腸
斷三聲誰為續思君欲上望夫臺端居懶聽將雛曲沈
沈落日向山低簷前歸燕竝頭栖抱膝當窗看夕兔側
耳空房聽曉雞舞蝶臨階祗自舞啼鳥逢人亦助啼獨
坐傷孤枕春來悲更甚峨眉山上月如眉濯錦江中霞

似錦錦字回文欲贈君
劍壁層峰自糾紛
平江淼淼分清浦
長路悠悠間白雲
也知京洛多佳麗
也知山岫遙虧蔽
無那短封即疎索
不在長情守期契
傳聞織女對牽牛
相望重河隔淺流
誰分迢迢經兩歲
誰能脉脉待三秋
情知唾井終無理
情知覆水也難收
不復下山能借問
更向盧家字莫愁

代女道士王靈妃贈道士李榮

玄都五府風塵絕
碧海三山波浪深
桃實千年非易待

桑田一變已難尋，別有仙居對三市。
金闕銀宮相向起，臺前鏡影伴仙娥。
樓上簫聲隨鳳史，鳳樓迢遞絕塵埃。
鶯時物色正裴回，靈芝紫檢參差長。
仙桂丹花重疊開，雙童綽約時遊陟。
三鳥聯翩報消息，盡言真侶出遨遊。
傳道風光無限極，輕花委砌惹裾香。
殘月窺窗覘愧色，箇時無數併妖妍。
箇裏無窮總可憐，別有衆中稱黜帝。
天上人間少流例，洛濱仙駕啟遙源。
淮浦靈津符遠遼，自言少小慕幽玄。
只言容易得神仙，珮中邀勒經時序。

簫裏尋思復幾年尋思許事真情變二八容華識少選
漫道燒丹止七飛空傳化石曾三轉寄語天上弄機人
寄語河邊值查客乍可慙慙共百年誰使遙遙期七夕
想知人意自相尋果得深心共一心一心一意無窮已
投漆投膠非足擬只將羞澁當風流持此相憐保終始
相憐相念倍相親一生一代一雙人不把丹心比玄石
惟將濁水況清塵只言柱下留期信好欲將心學松蘿
不能京兆畫蛾眉翻向成都騁騶引青牛紫氣度靈關

尺素艷鱗去不還連苔上砌無窮綠修竹臨壇幾處斑
此時空牀難獨守此日別離那可久梅花如雪柳如絲
年去年來不自持初言別在寒偏在何悟春來春更思
春時物色無端緒雙枕孤眠誰分許分念嬌鶯一種啼
生憎燕子千般語朝雲旭日照青樓遲暉麗色滿皇州
落花泛泛浮靈沼垂柳長長拂御溝御溝大道多奇賞
俠客妖容遞來往寶騎連花鐵作錢香輪驚水珠為網
香輪寶騎競繁華可憐今夜宿倡家鸚鵡杯中浮竹葉


鳳凰琴裏落梅花許輩多情偏送款為問春花幾時滿
千回鳥信說衆諸百過鶯啼說長短長短衆諸判不尋
千回百過浪關心何曾舉意西隣玉未肯留情南陌金
南陌西隣咸自保還轡歸期須及早為想三春狹斜路
莫辭九折邛關道假令白里似長安須使青牛學劍端
蘋風入馭來應易竹杖成龍去不難龍颺去去無消息
鸞鏡朝朝減容色君心不記下山人妾欲空期上林翼
上林三月鴻欲稀華表千年鶴未歸不分淹留桑路待

祇應直取桂輪飛

御定全唐詩卷七十七

謹案卷七十七第六頁後四行月夜有懷簡諸同
寮刊本寮訛病據本集改

第十四頁後二行溪江拂潮衝白日按本集拂作
沸



總校官庶吉士臣張能照

校對官檢討臣龔大萬

膳錄監生臣南光普

膳錄監生臣張元輯

欽定四庫全書薈要

集部

御定全唐詩卷

七十八至
八十一



欽定四庫全書薈要卷一萬七千四百八十三

集部

御定全唐詩卷七十八

駱賓王

從軍行



一顧重

一作念

意氣溢三軍
棼日分戈影
天星合劍

文弓弦抱漢月馬足踐胡塵
不求生入塞唯當死報君

王昭君

一作昭君怨

飲容辭豹尾絨恨度龍鱗金
鈿明漢月玉筋染胡塵古

一作妝

鏡菱花暗愁眉柳葉顰唯有清笳曲時聞芳樹春

於紫雲觀贈道士

并序

余鄉國一辭江山萬里昔年離別還同塞北之鳬
今日歸來即似遼東之鶴先生情均得兔忘筌之
契已深路是亡羊分歧之恨逾切不題短什何汰
衷襟

碧落澄秋景玄門啟曙闕人疑列禦至客似令威還羽
蓋徒欣仰雲車未可攀祇應傾玉醴時許寄顏顏

渡瓜步江

捧檄辭幽徑鳴榔下貴

一作遺

洲驚濤疑躍馬積氣似連

牛月迴寒沙淨風急夜江秋不學浮雲影他鄉空

一作客

滯留

途中有懷

睠然懷楚奏張矣背秦關涸鱗驚照

一作照

轍墜羽怯虛

彎素服三川化鳥裘十上還莫言無皓齒時俗薄朱顏

至分水戍

行役忽離憂復此愴分流
濺石回湍咽繁叢曲澗幽
陰巖常結晦宿莽競含秋
況乃霜晨早寒風入戍樓

望鄉夕泛

歸懷剩不安促榜犯風濶
落宿舍樓近浮月帶江寒
喜逐行前至憂從望裏寬
今夜南枝鵲應無繞樹難

久客臨海有懷

天涯非日觀地圯望星樓
練光搖亂馬劍氣上連牛
草濕姑蘇夕葉下洞庭秋
欲知悽斷意江上涉安流

遊兗部逢孔君自衛來欣然相遇若舊

遊人自衛返背客隔淮來
傾蓋金蘭合忘筌玉葉開
繁花明日柳疎蕊落風梅
將期重交態時慰不然灰

西京守歲

閒居寡言宴獨坐慘風塵
忽見嚴冬盡方知列宿春
夜將寒色去年共曙光新
耿耿他鄉夕無由展舊親

同辛簿簡仰酬思玄上人林泉四首

聞君招隱地髣髴武陵春
緝芰知還楚披榛似避秦
崩

查年祀積幽草歲時新一謝滄浪水安知有逸人
芳晨臨上月幽賞狎中園有蝶堪成夢無羊可觸藩忘
懷南澗藻蠲思北堂宣坐歎華滋歇思君誰為言

林泉恣探歷風景暫徘徊客有遷鶯處人無結駟來聚
花如薄雪沸水若輕雷今日徒招隱終知異鑿坏
俗遠風塵隔春還初服遲林疑中散地人似上皇時芳
杜湘君曲幽蘭楚客詞山中有春草長似寄相思

秋日餞陸道士陳文林

并序

陸道士將遊西輔通莊指浮氣之闕陳文林言返
東吳修途走落星之浦於是維舟錦水藉蘭若以

開筵緘騎金堤泛榴花於祖道于時赤煙沈節青

女司晨霜雁銜蘆舉賓行而候氣寒蟬噪柳帶涼

序以含情加以山接太行聳羊腸而飛蓋河通少

海疏馬頰以開瀾登高切送歸之情臨水感逝川

之歎既而嗟別路之難駐惜離尊之易傾雖漆園

筌蹄已忘然

一作言

於道術而陟陽風雨尚抒情於

詠歌各賦一言同為四韻庶幾別後有暢離憂云

爾

青牛遊華嶽赤馬

一作鳥

走吳宮玉柱離鴻怨金罍浮蟻

空日霽峭陵雨塵起洛陽風唯當玄度月千里與君同

送鄭少府入遼共賦俠客遠從戎

邊烽警榆塞俠客度桑乾柳葉開銀鏑桃花照玉鞍滿
月臨弓影連星入劍端不學燕丹客空歌易水寒

送費六還蜀

星樓望蜀道月峽指吳門萬行流別淚九折切驚魂雪
影含花落雲陰帶葉昏還愁三徑晚獨對一清尊

秋日送侯四得彈字

我留安豹隱君去學鵬搏岐路分襟易風雲促膝難夕
漲流波急秋山落日寒惟有思歸引悽斷為君彈

秋日送尹大赴京

并序

尹大官三冬道暢指蘭臺而拾青薛六郎四海情
深飛桂尊而舉白于時兔苑東上龍火西流劍彩

沈波碎楚蓮於秋水金輝照岸秀陶菊於寒堤既
切送歸之情彌軫窮途之感重以清江帶地聞吳
會於星津白雲在天望長安於日路人之情也能
不悲乎雖道術相望叶神交於靈府而風煙懸隔
貴申心於翰林請振詞鋒用開筆海人為四韻用
慰九秋

挂瓢余隱舜負鼎爾干湯竹葉離樽滿桃花別路長低
河耿秋色落月抱寒光素書如可嗣幽谷竚賓行

秋夜送閻五還潤州

并序

閻五官言返維桑修途指金陵之地李六郎交深
投漆開筵浮白玉之尊于時壁彩澄虛漏輕光於
雲葉珪陰散迴搖碎影於風梧雖桂醕蘭缸暫淹
留於一夕而青山黃鶴將惆悵於九秋請勒四言
俱伸五際

通莊抵舊里溝水泣新知斷雲飄易滯連露積難披素

風啼

一作翻

迴堞驚月繞疎枝無力勵短翰輕舉送長離

送王明府參選賦得鶴

振衣遊紫府飛蓋背青田
虛心恒警露孤影尚凌煙
離歌悽妙曲別操繞繁弦
在陰如可和清響會聞天

秋日送別

寂寥心事晚搖落歲時秋
共此傷年髮相看惜去留
當歌應破涕哀命返窮愁
別後能相憶東陵有故侯

別李嶠得勝字

芳尊徒自滿別恨轉難勝
客似遊江岸人疑上灞陵
寒

更承夜永涼景向秋澄離心何以贈自有玉壺來

在兗州餞宋五之問

淮沂泗水地梁甫汶陽東別路青驪遠離尊綠蟻空柳
寒凋密翠崇晚落疎紅別後相思曲悽斷入琴風

遊靈公觀

靈峰

一作
本

標勝境

一作
地

神府枕通川玉殿斜連漢金堂

迴架煙斷風疎晚竹流水切危弦別有青門外空懷玄

圃仙

夏日遊山家同夏少府

返照下層岑物外狎招尋
蘭徑薰幽珮槐庭落暗金
谷靜風聲徹山空月色深
一遣樊籠累唯餘松桂心

初秋登王司馬樓宴得同字

并序

司馬公千里騰光翼外臺而展足九日多暇敞麗
譙以開筵于時葭散秋灰檀移夏火鴻飛漸陸流
斷吹以來寒鶴鳴在陰振中天而警露于是簫開
玉饌交雜佩而薰蘭酒泛金翹映清尊而湛菊雖

傍臨廣派有異章渠之遊而俯瞰崇墉雅叶城隅
之會物色相召江山助人請振翰林用濡筆海云
爾

展驥端居暇登龍喜

一作嘉

宴同締賞三清滿承歡六義

通野晦寒陰積潭虛夕照空顧慙非夢鳥濫此厠雕蟲

初秋於竇六郎宅宴

并序

六郎道合采葵嘯懸鶉而契賞諸君情諧伐木仰
登龍以締歡于時一葉驚寒下陳柯而捲翠百花

凝照澹虛牖以披紅既而俱欣得免之情共掩亡
羊之淚物我雙致匪石席以言蘭心口兩齊混汙
隆而酌桂雖忘筌戴笠興交態於靈臺而搦管操
觚叶神心於勝氣盡陳六義詩賦一言即事凝毫
成者先唱云爾

千里風雲契一朝心賞同意盡深交合

一作通家冷

神靈俗

累空草帶

一作砌

銷寒翠花枝發

一作缸飲

夜紅唯將澹若水

長揖古人風

冬日宴

二三物外友一百杖頭錢
賞洽袁公地情披樂令天
促席鸞觴滿當爐獸炭然
何須攀桂樹逢此自留連

餽雞子

幸遇清明節欣逢舊練人
刻花爭臉態寫月競眉新
暈罷空餘月詩成併道春
誰知懷王者含響未吟晨

詠美人在天津橋

美女出東鄰容與上天津
整衣香滿路移步襪生塵
水

下看妝影眉頭畫月新寄言曹子建箇是洛川神

送宋五之問得涼字

願言遊泗水支離去二漳道術君所篤筌蹄余自忘雪
威侵竹冷秋爽帶池涼欲驗離襟切岐路在他鄉

憲臺出紮寒夜有懷

獨坐懷明發長謠苦未安自應迷北叟誰肯問南冠生
死交情異殷憂歲序闌空餘朝夕鳥相伴夜啼寒

送郭少府探得憂字

開筵枕德水輟棹艤仙舟
貝闕桃花浪龍門竹箭流
當歌悽別曲對酒泣離憂
還望青門外空見白雲浮

冬日過故人任處士書齋

神交尚投漆虛室罷遊蘭
網積窗文亂苔深履跡殘
雪

明書帳冷水靜墨池寒
獨此琴臺夜

一作上

流水為誰彈

送劉少府遊越州

一丘余枕石三越爾懷鈞
離亭分鶴蓋別岸指龍川
露

下

一作背下

蟬聲斷寒來

一作來寒

雁影連如何溝水上悽斷聽

離弦

賦得白雲抱幽石

一無賦得二字

重巖抱危石幽澗曳輕雲繞鎮仙衣動飄蓬羽蓋分錦色連花靜苔光帶葉熏詎知吳會影長抱穀城文

賦得春雲處處生

一無賦得二字

千里年光靜四望春雲生

一作暫

日祥光舉疎雲瑞葉

輕蓋陰籠迴樹陣影抱危城非將吳會遠飄蕩帝鄉情

在獄詠蟬

并序

余禁所禁垣西是法廳事也有古槐數株焉雖生
意可知同殷仲文之古樹而聽訟斯在即周召伯
之甘棠每至夕照低陰秋蟬疎引發聲幽息有切
嘗聞豈人心異於曩時將蟲響悲於前聽嗟乎聲
以動容德以象賢故潔其身也稟君子達人之高
行蛻其皮也有仙都羽化之靈姿候時而來順陰
陽之數應節為變審藏用之機有目斯開不以道
昏而昧其視有翼自薄不以俗厚而易其真吟喬

樹之微風韻資天縱飲高秋之墜露清畏人知僕
失路艱虞遭時微纒不哀傷而自怨未搖落而先
衰聞蟋蟀之流聲悟平反之已奏見螳螂之抱影
怯危機之未安感而綴詩貽諸知己庶情沿物應
哀弱羽之飄零道寄人知憫餘聲之寂寞非謂文
墨取代幽憂云爾

西陸蟬聲唱南冠客思侵那堪玄鬢影來對白頭吟露
重飛難進風多響易沈無人信高潔誰為表予心

詠水

列名通地紀疎派合天津波隨月色淨態逐桃花春照
霞如隱石映柳似沈鱗終當挹上善屬意澹交人

同張二詠雁

唼藻滄江遠銜蘆紫塞長霧深迷曉景風急斷秋行陣
照通宵月書封幾夜霜無復能鳴分空知愧稻粱

詠雪

龍雲玉葉上鶴雪瑞花新影亂銅鳥吸光銷玉馬津含

輝明

一作朗

素篆隱迹表

一作奉

祥輪幽蘭不可儷徒自繞

陽春

詠雲酒

朔空曾紀歷帶地舊疏泉色泛臨碭瑞香流赴蜀仙款
交欣散玉洽友悅沈錢無復中山賞空吟吳會篇

塵灰

洛川流雅韻秦道擅苛威聽歌梁上動應律管中飛光
飄神女襪影落羽人衣願言心未翳終冀效輕微

秋晨同淄川毛司馬秋九詠

秋風

紫陌炎氛

一作氣

歇青蘋晚吹浮亂竹搖疎影縈池織細

流飄香曳舞袖帶粉泛妝樓不分君恩絕紈扇曲中秋

秋雲

南陸銅渾改西郊玉葉輕泛斗瑤光動

一作暗

臨陽瑞色

明蓋陰連鳳闕陣影翼龍城詎知時不遇空傷流滯情

秋蟬

九秋行已暮一枝聊暫安
隱榆非諫楚噪柳異悲潘
分形妝薄鬢鏤影飾危冠
自憐疎影斷寒林夕吹寒

秋露

玉關寒氣早金塘秋色

一作氣

歸泛掌光逾淨添荷

一作河

滴尚微變霜凝曉液承月
委圓輝別有吳臺上應濕
楚臣衣

秋月

雲披玉繩淨月

一作桂

滿鏡輪

一作光

圓衰露珠暉

一作朱花

冷

凌霜桂影

一作
銀扇

寒漏彩含疎薄浮光漾急瀾西園徒自

賞南飛終未安

秋水

貝

一作
金

闕寒流徹玉輪秋浪清圖雲錦色淨寫月練花

明泛曲鶻弦動隨軒鳳轄驚唯當御溝上悽斷送歸情

秋螢

玉虬分靜夜金螢照晚涼含輝疑泛月帶火怯凌霜散
彩縈虛牖飄花繞洞房下惟如不倦當解惜餘光

秋菊

擢秀三秋晚開芳十步中分黃俱笑日含翠共搖風碎
影涵流動浮香隔岸通金翹徒可泛玉竿竟誰同

秋雁

聯翩辭海曲遙曳指江干陣去金河冷書歸玉塞寒帶
月凌空易迷煙逗浦難何當同顧影刷羽泛清瀾

樂大夫挽詞五首

可歎浮生促吁嗟此路難丘陵一起恨言笑幾時懽蕭

索郊埏晚荒涼井徑寒誰當門下客獨見有任安

蒿里誰家地松門何代丘百年三萬日一別幾千秋返
照寒無影窮泉凍不流居然同物化何處欲藏舟

昔去梅笳發今來薤露晞彤騶朝帝闕丹旆背王畿城
郭猶疑是原陵稍覺非九原如可作千載與誰歸

一旦先朝茵千秋掩夜臺青鳥新兆去白馬故人來草
露當春泣松風向暮哀寧知荒壠外弔鶴自徘徊

忽見泉臺路猶疑水鏡懸何如開白日非復覩青天華

表迎千歲幽局送百年獨嗟流水引長掩伯牙弦

丹陽刺史挽詞三首

百齡嗟倏忽一旦向

一作附

山阿丹桂銷已

一作亡

盡青松

哀更

一作思

多薰風虛聽曲薤露反成歌自有藏舟處誰

憐隙馬過

惻愴恒山羽留連棟萼篇佳城非舊日京兆即新阡城
郭三千歲丘陵幾萬年唯餘松柏壠朝夕起寒煙

短歌三獻曲長夜九泉臺此室玄局掩何年白日開荒

郊疎古木寒隧積陳芟獨此傷心地松聲薄暮來

稱心寺

征帆恣遠尋逶迤過稱心凝滯蘅蒨岸
汭迴植柚林穿
渚不厭曲艤潭惟愛深為樂凡幾許
聽取舟中琴

陪潤州薛司空丹徒桂明府遊招隱寺

共尋招隱寺初識戴顓家還依舊泉壑應改昔雲霞
綠
竹寒天笋紅蕉臘月花金繩倘留客為繫日光斜

御定全唐詩卷七十八